

ՀՈՎԻՒ ԺԻՐԱՅԻ ԱՐԵՂԱՅ ԹԱՇՃԵԱՆԻ 1964 ՏԱՐՈՒԱՆ ՏԵՂԵԿԱԳԻՐ

Սիրելի անդամներ,

Տարի մը եւս բոլորեցինք այն օրէն ասդին երբ մեր տկար ուսերուն վիճակուեցաւ յանձնաձեռն ծուխիդ հոգեւոր մատակարարութեան ծանր եւ դժուարին պաշտօնը, զոր կատարեցինք սրտի մեծնայն գոհունակութեամբ, ոչ թէ մեր ունեցած անձնական արժանիքով, որուն համար կը կասկածինք թէ ունինք, այլ Աստուծոյ մեծնահաս ողորմութեամբ ու մեր առաքելաշնորհ ու երիցս երանեալ լուսաշող հայրապետներու թողած անզին ժառանգութեամբ, որ Հայաստանեայց Առաքելական Ուղղափառ Եկեղեցին է, որը եղած է բարոյական մեր հայրենիքը, ուր մեր ազատութեան եւ անկախութեան ծարաւը իր լիալիր յազուրդը գտած է, իբրեւ աղբիւրն ու ներշնչարանը մեր ազնուական զաղափարներուն ու պրծուն պահակը մեր բարոյական ու հոգեւոր կեանքին:

1964 տարին մեր համայնքին հաճար եղաւ իրապէս փոթորկալի ու տազնապեցուցիչ տարի մը, պահ մը նոյնիսկ մեր մէջ կասկած արթնցնելով թէ մե՞նք ենք արդեօք իրաւ ժառանգորդները հայուն անկորնչական ժառանգութեան Գանապայի այս հիւրընկալ փերուն: Գոհութիւն Աստուծոյ որ մեր տազնապներն ու փոթորիկները իրենց լուծումը գտան շնորհիւ հայուն խղաղասիրական ու ներողամտութեան ոգիին, կ'ակնարկենք այն բարեբաստիկ թուականին երբ Կիրակի Յունիս 7, 1964 ին Թեմիս Բարեխնամ Սրբազան Առաջնորդ Հօր նախագահութեամբ լուսաբանութիւններ տրուեցան եւ ընդհանուր հասկացողութիւն գոյացաւ Եկեղեցւոյս ծխական խորհուրդիս, նորակառոյց Մշակոյթային Սրահիս շինութեան յանձնախումբին ինչպէս նաեւ Սրահի շինութեան Հաշուեքննիչ յանձնախումբի անդամներուն միջեւ:

Եւ ընդառաջ երթալով Առաջնորդ Սրբազան Հօր թելադրութեան թէ Սրահի շինութեան գործը իր ընդհանրութեան մէջ աւարտած է արդէն, Սրահի շինութեան յանձնախումբը ինչպէս նաեւ Սրահի շինութեան Հաշուեքննիչ յանձնախումբը մեր միջոցաւ իրենց հրաժարականները կը ներկայացնեն պատկառելի ծխական ժողովիդ, մաղթելով բարեպաշտ եւ եկեղեցասէր ժողովուրդիդ նրջանկութիւն, Սէր եւ Միութիւն:

Ի խորոց սրտի կը մաղթենք որ անցեալի տխուր դէպքերը, մեր յուշարարները ըլլան զմեզ սրբազրելու եւ մեր անձերէն վեր տեսնելու մեր անզին ժառանգութիւնը, եղբայրական սիրոյ անկեղծ զգացումներով յարաբերուելով իրարու հետ, թէ Օրէնքի եւ թէ մանաւանդ Սիրոյ գերիշխանութեամբ պայմանաւորելով մեր ազգային եկեղեցական կեանքը:

1964-ի տեղեկագիր հովիւ ժիրայր Արդ.Թաշճեանի

Սրտերու խաղաղութեամբ վերջացած տարւոյն փառք կու տամ Աստուծոյ եւ սիրով կ'ողջունեմ բոլորը:

ԺԱՄԱՊԱՇՏՈՒԹԻՒՆ.— Տարուան ընթացքին գրեթէ ամէն կիրակի Ս.Պատարագ մատուցած ենք, միայն հետեւեալ առիթներուն Ս.Պատարագ չենք մատուցած պաշտօնով կամ մասնաւոր հրաւերով քաղաքէս բացակայութեանս պատճառաւ

ա. Ապրիլ 12, 1964 կիրակի, Գլիվլէնտի եկեղեցւոյ օժման,

բ. Մայիս 3, 1964 կիրակի, Թեմական Պատգամաւորական ժողովին,

գ. Սեպտեմբեր 6, 1964 կիրակի, Հ.Ե.Յ.Կ.Ա.ի Տարեկան Համաժողովին:

Անցեալ տարուան ընթացքին ուրախ ենք որ իրենց ներկայութեամբ Սուրբ Եկեղեցիս պայծառացուցած են հետեւեալ Հոգեշնորհ Հայրերն ու Եղբայրները, ոմանք մէկէ աւելի առիթներով,

ա. Առաջնորդական փոխանորդ Հոգ.Տ.Յղիշէ Վրդ.Կիզիրեան, Կիրակնօրեայ Դպրոցի Ուսուցիչներու Խորհրդակցական ժողովի, եւ Դպրաց Դասու Տարեկան Համաժողովի առաքելութեամբ,

բ. Հոգ.Տ.Վազգէն Վրդ.Թաղոյեան Աւագ-Հինգշաբթի

գ. Հոգ.Տ.Գարեգին ծայրագոյն Վրդ.Գազանճեան Ապրիլեան Եղեռնի Յուշատօնին եւ Ս.Եկեղեցւոյս 11րդ տարեդարձի հանդիսութեանց:

դ. Գերշ.Տ.Տիրան Ս.Արք.Ներսոյեան Հ.Ե.Յ.Կ.Ա.ի տեղւոյս մասնաճիւղի Տասներորդ տարեդարձի հանդիսութեան նոյեմբեր 8, 1964ին:

Կիրակի Հոկտեմբեր 11, 1964ի Առաջնորդի փոխանորդութեան հանգամանքով պատարագեց եւ քարոզեց Հոգ.Տ.Յղիշէ Վրդ.Կիզիրեան, Դպրաց Դասերու Ընկերակցութեան Տարեկան Համաժողովին առիթով: Սոյն օրուան Պատարագը յիշատակութեան արժանի է, երբ մեր ծուխը, առիթը ունեցաւ վայելելու քոյր Դպրաց Դասերու ներկայացուցիչներուն հոգեգմայլ երգեցողութիւնը:

Պարտք կը զգանք մեր խորին շնորհակալութիւնը յայտնել Ս.Եկեղեցւոյս Սարկաւազաց ու Դպրաց Դասերուն, ինչպէս նաեւ Դպրապետ Տիրացու Մինաս Սէլեանի եւ Երգեհոնահար Տիկին Քրիստինէ Գուլյուճեանի, որոնց մասնակցութեամբ ունեցած ենք մեր ժամապաշտութիւնները:

ԺՆՍԱԿԱՍՏԱՐՈՒԹԻՒՆ.— Անցեալ տարուան ընթացքին ունեցած ենք

13 Մկրտութիւն եւ Դրոշմ, մին կատարուած Հոգ.Տ.Վազգէն Վրդ.Թաղոյեանի ձեռամբ, եւ երկուքը կատարուած մեր կողմէ մին Բրէսթըն, եւ միւսը Քիչընըր քաղաքներուն մէջ:

2 Հափահասներու Դրոշմ

2 Պսակադրութիւն եւ 1 խառն Պսակադրութիւն

11 Յուղարկաւորութիւն որոնցմէ մին Պրանթֆորտի մէջ եւ երեքը Համիլթընի մէջ:

1964-ի տեղեկագիր հովիւ ժիրայր Աբղ.Թաշճեանի

Ձանացած ենք Ս.Ծննդեան եւ Ս.Ջատկի տօներուն առիթով Տնօրհնէքի այցելուութիւններ տալ մեր համայնքին, անոնց տանելով Ս.Ծննդեան եւ Ս.Ջատկի տօներուն օրհնութիւններն ու բարեմաղթութիւնները:

ԾՈՒՈՒՍ ՍԱՀՄԱՆՆԵՐԸ.— Օրէ օր ստուարացող Թորանթօհայ Գաղութը, այսօր ամենէն աւելի լուրջ մտահոգութեանց առարկայ պէտք է դառնայ: Որքան որ մեր ժամանակները թոյլատու եղան ու մեր միջոցները ներեցին, ջանացինք ըստ կարելւոյն կապ հաստատել նորահաստատ հայ ընտանիքներուն հետ, ինչպէս նաեւ շարունակեցինք մեր այցելութիւնները տալ շրջակայ հայ գաղութներուն:

Գոհունակութեամբ կու գանք հաղորդել պատկառելի ծխական ժողովիդ թէ, Ս.Եկեղեցւոյ ծխական խորհուրդին հետ համախորհուրդ անցեալ Սեպտեմբերին յարաբերութեան մտանք նիակարա Թեմին Անգլիքըն Եկեղեցւոյ Առաջնորդարանին հետ, Համիլթընի մեր հայ համայնքի եկեղեցական մատակարարութեան համարվայր մը ունենալու համար: Ուրախ ենք որ տեղւոյն Անգլիքըն Եկեղեցին ինչպէս միշտ այս անգամ եւս իր եղբայրական ոգիով ընդառաջ երթալով մեր խնդրանքին մեզի տրամադրեց Համիլթընի Պարթըն փողոցին վրայ գտնուող Անգլիքըն Եկեղեցին պարբերաբար հոն ունենալու համար մեր եկեղեցական արարողութիւնները, ի մի թարութիւն տեղւոյն հայ բարեպաշտ ժողովրդեան: Արդէն իսկ ունեցած ենք երեք յաջորդական Ս.Պատարագի մատուցումներ, Հոկտեմբեր, Դեկտեմբեր եւ Յունվար ամիսներուն ընթացքին:

Այսօր Թորանթօհայ համայնքը կը հաշուէ առաւել քան 1300 անձ:

ԱՅՑԵԼՈՒԹԻՒՆՆԵՐ.— Տարուան ընթացքին հետեւեալ տեսակի այցելութիւններ տուած ենք հիւանդներու, հիւանդանոց կամ տունը, ցաւակցական, վարչական եւ կրթական գործերով, օտար եկեղեցիներու հոգեւոր պաշտօնակիցներու, Ողջերթի, Սկրտութեանց եւ Պսակադրութեանց, եւ այլ զանազան ընկերային հաւաքոյթներու առիթներով:

ԳՐԱՍԵՂԱՆԻ ԱՇԽԱՏԱՆՔ.— Անցեալ տարուան ընթացքին մեր ուժերուն ներած չափով սկսանք հրատարակել Եկեղեցւոյս ծխաթերթիկը, իբր ԼՐԱՏՈՒ ԵԿԵՂԵՑԻՈՅ, պարբերաբար կրօնական յօդուածներու եւս տեղ տալով: Հոս եւս պարտք կը զգանք հրապարակաւ մեր շնորհակալութիւնը յայտնել Տիար Վարդերես Յակոբեանի, որ բարի եղաւ մեր խնդրանքին ընդառաջելով, իր թանկագին մասնակցութիւնը բերել, անձամբ տպագրելով ծխաթերթիկը: Այս առիւլ շնորհակալութիւն կը յայտնենք բոլոր անոնց որոնք պարբերաբար փութացին իրենց օժանդակութիւնը ընձեռել ծխաթերթիկիս հրատարակչական աշխատանքներուն:

Ձանացած ենք կանոնաւոր կերպով թղթակցութեամբ կապ հաստատել մեր Թեմի Առաջնորդարանին հետ, անկէ եկած Առաջնորդական հրահանգներու գործադրութեան համար: Շնորհակալութիւն նաեւ բոլոր այն ազնիւ անձերուն, որոնք զրասենեկային աշխատանքներուն մէջ իրենց կարեւոր և անհրաժեշտ օգնութիւնը ընձեռած են:

1964-ի տեղեկագիր հովիւ ժիրայր Աբղ.Թաշճեանի

Ի վերջ բանիս իմ սրտագին շնորհակալութիւններս կը յայտնեմ Ս.Եկեղեց
Լոյս բոլոր մարմիններուն եւ ծխականներուն և ի մասնաւորի եկեղեցւոյս ծխա
կան խորհուրդին, որոնք շինարար եւ մանաւանդ համերաշխ գործակցութեամբ
յաջող եւ արդիւնաւոր տարի մը բոլորած ըլլալու հոգեկան երջանկութիւնը
ունեցան, եւ որոնք գործակցեցան մեզի մեր կրօնական եւ հոգեւոր պարտականու
թեանց մէջ, եւ կ'աղօթեմ որ ամենաբարին Աստուած առողջութիւն, արեւշատութիւն
եւ յարատեւ յառաջդիմութիւն պարգեւէ բոլորին, եւ իրենց բոլոր ծրագիրներուն
կատարեալ յաջողութիւն:

Պէտք է դիմենք յառաջ, ետ չմնալու համար: Ասոր համար պէտք ունինք
հաւատքի, զոհողութեան ոգիի, եւ տեսիլքի: Ասոնք կը մաղթեմ ձեզ ի Տեառնէ:

Թորանթօ, Գանատա
6 Փետրուար, 1965

Ժիրայր Աբեղայ Թաշճեան
Հոգեւոր Հովիւ
Ս.Երրորդութիւն Եկեղեցւոյ